

七

錄

齋

詩

鈔

七錄齋詩鈔卷四

山陽阮葵生吾山

夏初過吳晴園寓齋和王萼亭韻

幾度旂亭送客歸依然蕭寺掩叢扉疎簾每自攤  
碁局永晝裁宜試葛衣夢裏不知鄉路遠尊前漸  
覺故人稀饒君詩思紫烟水我亦經年別釣磯

楊柳青

傍岸人家竹掩扉陌頭楊柳亂如絲停帆何處尋  
秋色潮落寒塘飈酒旗

潞河舟中和袁二寶林

涼風動蓬背人似凍蠅癢搖落頻增感蒼茫獨咏  
詩關梁行處阻鄉信望中遲聞道河魚上遙牽故  
國思

偶作漂萍聚征途爾我親尊前無白眼回首失紅  
塵好句臨流讀交情勝酒醇清襟自如此才足邁  
羣倫

滄州道中和吳山夫

搔首風前又一回鯨川南下片帆開鄉心已逐征  
鴻遠曉夢頻驚西角催半載勾留歌刺促三秋牢  
落賦歸朱淮南此日饒鄉味紫螯紅菱佐玉杯

聊城懷古

城上猶疑壓陣雲功名長喟望諸君  
七雄未到成兼併一矢後誇善解紛  
竟使崎嶇悲末路自將心跡表遺文  
荒寒雉堞空千古悵望燕齊總夕曛

秋來絕句

秋來木落雁南飛漸覺涼生透袷衣  
却憶江鄉好風味青菱初熟蠓初肥

南池

秋老南池落葉稠敗荷香裏俯寒流  
顏唐獨貰任城酒潦倒真同杜老愁  
滾滾長河方圻岬蕭蕭短

鬢又登樓十年重憶題詩處  
隣笛淒涼感舊遊  
此

歲與邊葦間張藻華  
同遊今皆下世矣

太白酒樓

高樓一眺晚山青  
此地曾聞聚酒星  
我亦江南未  
歸客到來宜醉不宜醒

南陽夜泊和南生

幾日驚波裡心魂  
苦未平扁舟浮木末  
竟夕撼濤聲  
孤枕難成寐  
秋天不肯明星河  
照蓬背  
四望水天清

南陽好風景  
夾岸住漁家  
何日  
湖堰千村沸浪

花盞頭無一把生計逐浮槎西望微山路茫茫未  
有涯

病中間田仲吹吳南生王淵如劉炳菴有  
鉢池山之遊

秋老霜風鳴慘、戛枯木楓葉綴小紅松花鬱古  
綠丹臺弔遺踪邱壑尋仙躅僕病阻勝遊支筇步  
庭曲諸公唱新詩賤子得快讀爽氣沁心脾商聲  
出茅屋良會惜不邁長歌更誰續九月早閉門終  
朝啜茗粥數杯足頤神一卷聊遮目斗室任跼蹐  
匡床謝拘束亭亭滋露蘭落落傲霜菊坐對渾忘

言行吟差脫俗匪云當卧遊聊以娛幽獨

病起

病起扶藜出行經野寺旁晴臯一以眺秋色淡斜  
陽淺水浮蘆花寒雲俯雁行客懷太慘慄猶怯晚  
風涼

讀秋颿倡和集懷吳山夫袁寶林

歸裝競說奚囊富一卷琳琅手自携却對新詩懷

舊雨大江南北浙東西

山夫客四明  
寶林歸宣城

自來名士感離憂踪跡分明斷梗浮我有遠心誰  
共訴藥爐禪榻度清秋

金篤齋四十初度

菊黃萸紫香風吹平頭抱筒朝催詩拂拭硯匣磨  
隄塵作歌紛寫難老詞人生適意他何知百城南  
面掀吟髭左右經史圖卑比生徒濟濟羅絳帷春  
韞鞠毳歌接羅為壽起舞舞瀏瀏八十之年行過  
半等身著述方不貲十年長者兄事之況君儒雅  
稱吾師師子索句勿迫促合傾家醞澆詩脾斗酒  
為君安足辭

雜詩

西北有高樓當窻拂蒲柳涼風起天末蕭蕭感少



婦時物有苑枯顏色異妍醜衣裳不復新蘭茝香  
已朽欲以貽所思芬芳復何有年時寶如珍今日  
棄如帚委佩倚雕楹含愁成疾首

中庭植芳樹華葉輝晴旭春雨滋深根簷檻蔭新  
綠青楊旦夕徂飄蒂隨轉燭魯陽戈莫回虞淵駒  
逝速新歡苦不暢故人傷局促少壯但須臾莫恃  
顏如玉

李下可整冠瓜田亦納履此心苟無他胡為拘尺  
足達哉阮步兵醉卧胡姬市避嫌嫌益深執節節  
亦鄙生人自有真形迹徒為耳

耕夫恒苦寒織婦恒苦飢飢寒亦大矣衣食寧云  
微以力事他人力盡心已非嗟彼五陵客不辨粟  
與絲面團解食肉裘馬誇輕肥

之子服狐貉耻與羔裘伍惡衣詎足耻相去況幾  
許陋巷有緼袍誰為解縞紵朔雪苦凌兢陰寒僵  
髀股嚴冬倏亦逝條風扇春煦丈夫會有時斗酒  
足起舞

東隣栽桃李西隣栽荆棘春來風日暄一一侵巷  
陌桃李敷芳華成蹊蔭行客荆棘苦蔓延往往刺  
要襟擇術苟或踈旁觀嗟偏側感彼種園人吾為

三太息

東海有鴻鵠羞與燕雀齒朝飛紫塞雲暮宿衡湘  
汴不屑稻粱謀只為圖南爾一朝櫻網羅跼蹐樊  
籠裏攪身愁觸忤秋風飢欲死睜彼雲中鳥翱翔  
足自喜何時舒健翮一舉九萬里

與金紫岑檢討話舊

拜疏金門捧玉函便將綵服換朝衫君恩暫許離  
芸署春水才能送錦帆兩袖香烟懷絮蘂一囊詩  
調譜英咸歸來重訪淮南客話到蓬山總隔凡  
十載賢門荷挈授少時文戰逞霜蹄傳衣每幸依

和相折東逢人薦孔珪世路頻年遭嚇鼠生涯至  
竟等醢難寸心欲報成灰燼姓字羞從紙背題  
僦居同傍帝城閨說項重叨臭味親風雅君真成  
太史飄零我尚作勞人慚非鳳羽應憂鍛剝有龍  
心未肯馴回首去年總愁絕懶從難骨更占神

春城花柳遶旌護累日文談坐曲江燕子黃鸝鳴  
水閣鼠姑紅葯映山憲節當首夏天方永詩對宗  
工氣已降多少別懷疇與訴周遮吟罷笑無腔

鹿際葡萄復生

乞得宛人種婆婆弱不勝濯根資宿雨揀竹引新

藤蔭綠將流  
露充盤掇  
嚼冰涼州  
非所貴十斛願  
秋登

淵如小疾詩以代訊

葦葉吟秋百感生  
懷人夢醒雨初晴  
劇憐病是君家物  
何苦詩爭世上名  
雪碗冰甌人蘊藉  
藥鐺茶竈客逢迎  
幾時禪榻人初起  
卜日還尋菊社盟

秋日同程晴嵐過荻庄

秋來苦不知畏熱  
何處避一棹泛城西  
乃得此平遠  
艤舟蘆中門飛蹕  
松邊棹烟梢業篠垂  
水曲亂荷偃相携過  
危橋橋滑綠楊踈  
芙蓉如美人隔溪

何婉婉推窗坐水亭  
搗衣上絕巖脫帽縱清談  
乘涼渾忘返遑念弄篙兒  
誦誦獨恨晚

古松

一訪支離叟如逢古逸民  
濤聲落天際翠雨濕龍鱗  
幾歷升沉劫長留偃蹇身  
花房競紅紫誰識歲寒真

戲咏暖盤鍋

消寒底用買冰盤  
小鼎盛來一座歡  
吾輩便添文字飲  
旁人莫笑腐儒餐  
三條燭炮心猶暖  
百沸湯溫手不寒  
我本不因人熱者  
呼童獨自劑醎酸

玉糝金釐膾素庖尊前任爾縱貪餐借將圓扇吹  
嗟力不費香厨炙燂勞每向圓爐分獸炭漫誇金  
帳試羊羔與君更訂尋梅約分付家僮踏雪挑  
一笑居然鼎食時何須龍勺與雞彝咄嗟立向尊  
前辨風味偏於歲晚宜伴我行厨携自便笑他蠻  
榼製非奇當筵已任千鍾盡何用重斟暖玉卮  
偶因內外判方圓小物居然象地天耐久最宜消  
永夜辟寒好與送殘年熱腸似我猶堪飽枵腹從  
他得暫便莫為煎熬愁炙手羞頭一盞淪春泉

為顧萬峯題照

生銷一幅藹香芸  
卷裏松烟滿若雲  
曲水茂林王內史  
金潭碧障李將軍  
衣衫離俗塵難浣  
邱壑經年夢特勤  
便欲就君謀小築  
人生也合老鋤芸

將有濟南之遊  
頻行遇薛大敬伯  
以歲寒

雜詩見示  
征途即事遂用其韻

息軫方十旬  
歲晚還飢驅  
披裘衝寒飈  
豈伊懷壯圖  
昨宵飛騰六九天  
落唾珠欣聞田咳  
喜敢復愁載塗  
不惜道里艱  
所嗟日月除  
何人坐暖閣  
擁爐賦閒居

鮮鞍大河岸  
凜凜飄朔風  
冰輪從西來  
滾滾撐高



空砮萬雷鼓，聒耳驚冬烘。桴舟截流渡，人馬蹴  
艚中。勢排地軸轉，冰山歛奔崩。到岸已魄悸，流汗  
忘嚴冬。

昨日駐河上，風雪迎面寒。朝來見皎日，雪化沾行  
鞍。裝輪限泥濘，騶子無歡顏。促客下車走，僕夫發  
長嘆。須臾起轉轂，執轡猶未安。前途阻大澤，馬足  
況蹢躅。

蠲除詔已頒，未飽太倉味。衽席誰為登，金錢空勞  
費。徹耳聞吟呻，傷心異繁吹。寄語搯刀人，炎火慎  
勿熾。我賤何足道，羣兒自相貴。西風起暮塵，掩扇

障吾鼻

紆途之厚邱極目雪花捲沫流漸寒氷不見水清  
淺故人知我來笑把吟髭撚入室叙離悰歡顏忘  
偃蹇風景逼小除爭看花勝剪信有村居樂對茲  
愁已遣一尊話疇昔羲農風未遠

驅車馬陵山策蹇渡沂水閭閻有起色似非江南  
比溝塍被青草榆柳帶茵耳牛羊歸隴頭雞犬鳴  
村裡具言秋潦時窮簷驚卧起且喜冬雪佳麥甲  
待含蕊我自淮東來爰茲風景美

絡繹損黃袍十里人一換尚衣貢翠雲春來識時

變我馬避道旁俯首聊獨歎誰憐車中人破裘空  
戀戀

行過郊子國蘭山青作堆雪後快新霽暫得佳懷  
開何當支短策拾級山之厓一尊盡村醞悠然夢  
無懷

遊泉林

一騎衝寒出言尋陪尾山寺迤深樹隱峰引亂藤  
攀路曲僧寮遠村空鳥夢閑涓涓亭下水今古一  
潺湲

西望幽泉勝偏宜靜禪聽晴天喧瀑雨白日走雷

靈波濺苔痕綠溪分石氣青山川多幻跡到處識  
精靈

讀鉛山集

翰林才調最縱橫一曲清歌誤畢生不向隣家偷  
格律居然一代擅歌行

江南曾見一帆過八十吟詩兩鬢皤畢竟風人貴

忠厚談龍終費墨痕多

已未秋日謁先生於袁浦舟次

同劉詠菴過施竹虛小草山房次潘退谷

韻

斜日寒林影易西訪君初著鹿皮衣霜凝竹暎三

冬冷客自瑯江萬里歸  
化蝶久諳莊叟夢  
盟鷗真息漢翁機  
小樓竟日無人迹  
情話經時閣棹扉

黃河夜泊

孤篷落河口  
身逐雁行飛  
水涵漁燈聚  
城荒酒市稀  
驚濤翻岸急  
殘月照窗微  
竟夕難成寐  
停杯未解衣

鍾吾舟中見運柳者感賦

魚沫年年抱杞憂  
寧焚截竹遍汀洲  
壁沉不厭蛟龍怒  
林盡還深鳥雀愁  
此日薪芻艱澤國  
何時秔稻熟  
平疇牙檣隊隊勞  
飛挽底向風前賦  
遠遊

次鍾吾閨下作

大河西去亂帆飛，夾岸人家苦竹籬。  
儘有魚蝦沽小市，更無鶩鴨遶荒陂。  
人言瘠土春偏少，客到花時路又岐。  
倚棹重閨待明發，皂囊羞澀不須疑。

梁王城

城上風來水氣寒，萬家烟火盡沉湮。  
空聞幕府三籌策，誰是河陽一輩人。  
流水涓涓遲到海，夕陽淡淡不成春。  
行人泪墮新河路，曾費君王十萬緡。

春日下邳見掘水草者

艾嶺田荒落照孤，東風吹水漲平蕪。  
農家猶未知

春及薄暮提筐摘筍蒲

臺庄喜晴

暖風吹處雨雲開  
晴日還暄野岸梅  
千里好春容  
縱櫂一身如寄且  
啣杯層層帆影雲  
中出  
滾滾湖波樹杪來  
聞道宣防沉玉馬  
墮林捷石盡堪哀

讀友人論里門諸君子詩集

邱氏有家學宗法馮與劉吐屬愛涓潔標格清以

幽逸響陋噍殺秀色敷芳柔碧月麗秋嶠青條冒

春疇風流信嘉尚才力嗟未邁蘭茗集翡翠誰掣

鯨魚遊

邱氏三世有詩名學博養疾園居三十載不踰戶限清言緒論饒晉人風近體詩卷

容韶秀清中晚唐人遺意先是仁廟時錢坫馮  
山公益讀劉水心館於家園倡論聲詩引繩削墨  
頗具規則故邱氏子姓詩率無汎濫詭異桃薄之  
習然山公詩氣體殊平水心近體稍知門運古體  
仇陂委弱於古人尚未辨方隅邱氏奉為圭臬五  
十年來門徒墨守其師說不元稍自振興嗜痂之  
癖有不可解者學博弗天莽先生姿性絕人在京  
師與當時賢豪遊頗能不局於其家法然坐視廢  
未竟其才旋以改官出此事便廢惜哉

吳學博山夫

山夫亦健者氣祖言語大俎豆杜與韓堂堂陋寒  
餓排募驅風霆拉襍汚涕唾一字吟不休百戰氣  
不到老去筆已秃猶能壓羣座悠悠第笛耳此調  
若為和山夫於書無不讀考校精嚴能於無字句  
國朝以來淮人考據家推闡百詩六書之學推張  
力臣山夫供能嗣其響為詩硬語盤空有性情有



卷軸如幽燕老將氣韻沉雄與中山臺一粟正氣然律詩多有失之過硬者所著有金石文存正

字通正山陽志遺奇皆卓然可傳又別雅一種已錫行世秦味經司寇纂五禮通考皆山夫為之校

正司寇嘗語人云吾來京師得三異人山夫其一也

任徵君東礪

俗學誇冥搜調言累空腹佼佼任公子撐腸數萬

軸憫時歌慨慷論古輒徃復匪以作詩人孤吟亦

駭俗霸才惜無主之子好奇服風骨良自殊曷問

瘰與瘕微君好讀書博觀典籍留心經世大務不

述等身論世之味醉於面盎於背也然其學博而

多偏其論世也好奇為文洋洋鏤鑊數千言可立

就詩不名一家動與古會一被鴻博之微瑕不掩瑜其

完善者不愧古作手當一被鴻博之微瑕不掩瑜其

誠不為世俗  
之學者矣

吳明經南生

擁鼻愛謠咏風流令代無西崑有遺響  
疊疊文質俱旖旎秀歲蕤清鏘協笙等翠嶽夕霞綺春風寒  
谷噓嫁衣終為人篇什傳鴻都誰知罵坐客文華  
偏婉愉南生吳巨而赤同社友作赤鼻賦請之南  
宗伯爭延致多之禮貌在諸名士上凡  
進御諸製多出其手然性褊急不容物一語不  
如意輒怒詈投袂掉臂以出百折不可回以故終  
無所遇合也詩才敏捷排比聲律藻績滿目壽麗  
鯨銓下至咏物酌答之什人亦皆警絕而持議多偏  
於三國人專識武侯於宋人極毀歐九道學諸公  
無不同志合道者落落也

七錄齋詩鈔卷五

山陽阮葵生吾山

道旁石棺

漕艘避河險北行通沕溝鑿石斷地脉煉山驅潛  
蚪往往得寶怪大谷搜琅球古墓開石函犁鋤恣  
躑躅至今遺破擲嵯峨森道周感彼擲中人生前  
紫菟裘欲為萬年計桐梓無千秋乞彼巨靈斧斷  
彼青岑頭飾以荆川壁嵌以華陽鏐一朝大槩成  
快從司馬遊桓山亦在徐郡昇之高山顛厝之重泉幽上  
無鳥驚害下無螻螻憂感彼擲中人豈不善為謀

誰知異代後枯骨  
投洪流人生不朽  
三軀亮同浮  
漚彭殤猶妄作  
遑問跼與踈  
達哉劉參軍  
荷鍤埋糟邱

舟中值生辰

萍合蓬漂盡偶然  
打包重上大河舡  
飢來驅我原非病  
壯不如人正可憐  
奔走年年消歲月  
湖山處處入詩篇  
低頭怕舉傷春目  
日暮風來水拍天

夏村

估颿四望徹雲衢  
大澤嵐深大野濶  
屋瓦羅羅新雨後  
泉刀攘攘上燈初  
撐舡入市聽談虎  
泛宅浮

家有打魚獨立蒼茫成短咏西風渺渺正愁予

渡昭陽湖

蹤跡誰憐似轉蓬問津忽到泗亭東春潮湧雪連  
城白晴日啣山射水紅破曉來風流活活當年行  
野麥芄芄舟人指點湖邊寺不見樓臺烟雨中

登沛邑城樓

芒碭雲空大漠荒憑高愁思正茫茫滄桑頻歲憂  
禾黍款舞當年有帝王水落城頭春草綠風高樓  
上月陽黃郊原無復豚蹄祝穀賤傷農正不妨  
踟躕搔首客愁添野老吞聲嘆已三二月湖波迷

岸草萬家烟竈化溪嵐傷春惜別俱無賴  
弔古憂時搃不堪  
睥睨欲窮千里目  
夙前短髮已<sub>正</sub>參<sub>參</sub>

倚齋題壁

舍南舍北水漫漫一把茅遮勝井幹却好兩三人  
共坐憑欄直作野航看

春夜聞雁懷謝階杭州

殘雨暗春星  
鴻聲入杳冥  
一行何處至  
應過客兒亭

沛城春興

射圃新開地  
十弓手誅蓬蔚  
隱牆東可憐芳草迷

離碧不見桃花匝紅一徑荒齋吟賈島數間破  
屋住廬全等閒便遣青皇去孤負芳時廿四風  
東來泗水漾晴瀾四面碧城浸碧漣碧城弔古幾番悲  
楚漢箋經何敢問丁田春來細雨添新漲人倚東  
風隔遠天日暮嶧山嵐氣重鄉關回首亂雲邊  
華林茶竈稱幽栖風月何妨任品題放浪生涯隨  
雁鷺銷磨豪氣失虹蜺搔頭已信天難問隱几方  
知物可齊一卷自吟還自賞篋中冰雪正鎮堪携  
虎落荒涼夕照斜春光久已爛天涯看朱成碧思  
前度念綠啼紅又幾家廬橘本來宜夏熟芙蓉未

必讓春華細推物理俱如此獨倚闌干玩落霞

觀鷓鴣打魚成咏

春堤一夜雨綠漲盈前溪漁舟兩兩出篙邊立鷓  
鴣鷓鴣露瘦骨長喙銛毛錐瑩瑩雙眼碧頸潤纏  
朱絲一聲聞潑刺趺浪如風馳潛鱗驚失次愁磔  
尾與鬐大者攫鱸鱒小者窮鯢鯢啣魚上竹竿一  
一吐盤<sub>區</sub>翻身重入水盡日無休時夕陽照蓬背  
漁人打槳歸繫纜曲港曲呼兒治晚炊瓦盆注村  
醞銀刀剖香鯢鷓鴣戢雙翼日暮猶飢啼

清明日荆廬南招同荆檀堂王若夫步遊



郭外因泛舟湖上分韻得南村二字

佳時步屨過城南飛絮飛絲蘸碧潭傍水人家潮  
漸長賣餠天氣霽初酣山樓粉堞迎朝爽清簟疎  
簾泛夕嵐莫唱青烟與紅蠟自揮吟麈助清談

輕舟滿載碧磁尊渡口溪流漲蘚痕吾輩清遊宜

雅集主人愛客恕狂言藏烟待乞新榆火貰酒難

尋古杏村日暮荒洲聞野哭春來多少未招魂

詩話

徐州古豐縣朱陳村有杏花一百  
二十里因名杏花村舊址屬沛

歌風臺懷古

赤炎騰、素靈哭五年提劍坐黃屋威加海內歸

故鄉椎牛張飲謹相逐相逐還呼舊酒徒季也言  
大令何如追談往事雜悲喜昨重聲慷慨還歎歎妙  
選兒童遍閭巷平生酒色稱豪放頭戴竹皮手擊  
筑猶是當年無賴狀嗚呼興盡兮悲來後龍之臣  
安在哉風起雲飛思猛士泣數行下愴中懷酒酣  
諸父盡前席謹留十日又三日戚里咸沾湯沐恩  
粉榆萬歲戀魂魄魂魄茫、幾度秋斲碑零落卧  
荒邱祇今芒碭無雲氣泗水滔滔日夜流

讀元人詩各賦絕句

中原風雅中興年地老天荒泪暗潛獨向孤亭存

野史堂、一代表遺山 元好問裕之

容城詩集編丁亥筆力雕鐫山水愁自榜靜修比  
諸葛雷溪獨自枕寒流 劉因夢吉

耶律天才擅雅宗髯翁呼後感遭逢湛然一卷從  
誰定老去逃禪友萬松 耶律楚材晉卿

畫筆詩才擅一門風流絕代趙王孫鷗波亭外  
翻水猶有當時舊泪痕 趙孟頫子昂

延祐初元風雅盛四家詩格有遺音漢廷老吏吾  
何讓得失分明在寸心 虞集伯生

楊子臨文有奇氣飛揚跋扈勇無前暮年第一緣

何事却住山中四十年

楊載仲宏

人品高賢擬東漢詩情舒卷類秋雲  
人間簪冕何堪戀晚歲心懸愛日殷

范梈亨父

美女簪花妙品評文安何事拂衣行  
淋漓大筆誇三史怪底尊前氣不平

揭傒斯曼碩

天錫才華清且奇雁門風調擅探驪  
肩隨四子無慚色可惜工吟艷體詩

薩都刺天錫

海粟山人善賞音翠寒一卷寄情深  
更憐病骨騎鯨背萬里驚濤獨苦吟

宋元子虛

江南三絕一時來驃騎何如第五才  
便欲因君懷

郭隗知音誰為築金臺

延賢易之

鹿皮歸隱足音遐園谷中間偶作家最是北山題  
咏好篇中語、帶烟霞陳熙居米

硬語盤空氣特殊辦香端合自髯蘇莊、古調誰  
欣賞滄海橫流仗一壺吳萊立夫

還山得遂白衣名獨向嚴陵江上行巾角舞酣三  
弄笛卷中猶聽鐵錚、楊維禎庶夫

老迂愛潔真成癖避俗如仇書亦可人詩筆蕭疎畧  
相似藐姑仙子是前身倪瓚元鎮

河清一頌苦知名避地吳淞海氣青自築梧溪小

精舍聊蕭席帽老園丁

王逢源吉

湖光山色聚風騷水木清華結搆勞僧帽儒衣任  
埋骨画舫不載小蟠桃

顧瑛仲瑛

淋漓豪氣語懸河玉筍編中樂府多可惜雄心消  
不得新詞聊付雪兒歌

張憲思廉

手画龍門氣鬱盤松風高韵託黃冠元都不是人  
間世試咏篇中鬼胆寒

馬臻志道

句曲詞人張外史一時遊屐盡高賢等閒占得三  
茅洞始信壺中別有天

張雨伯雨

渡水

去  
夕日墮城西紛紛競官渡牧兒隴外歸牛背過溪

白洋河史閣部駐師處

寒濤嗚咽似含悲  
大廈終難一木支  
北渡樓船聞擊楫  
南朝歌舞<sup>遠</sup>彈絲  
淒涼幕府紆籌策  
縞素孤臣獨視師  
終古未消魚腹恨  
百年家祭更無兒

試茗

細聽風簾響微看  
蠟眼生碧沈烹綠  
雪隱几玩旂槍

嫩撥頭綱餅輕浮  
玉蕊尖詩人偏好  
事何苦著薑鹽



寄吳南生

秋風江上共題詩  
尊酒圍棋彼一時  
歸去渾如駒  
局促春來依舊燕  
參差瘦腰每善文  
人病擁鼻耽吟  
幼婦詞況有高  
柔工織錦  
茂陵春對遠  
山眉生

賢于潘  
工咏詩

獨向花時中酒眠  
一城風絮賣餠天  
家山迢遞遙  
相憶人海支離各  
自憐  
莫遣風懷消蠹簡  
好憑春

水託魚箋煩君寄  
訊東坡叟  
三絕殘碑費討研  
謂

兄山夫鳳陽郡志舊有三絕碑曹書  
鍾繇篆也山夫精金石文字今除鳳陽學博

咏白丁香

褪盡脂痕並粉痕素娥珠泪墮絲、橫陳玉體渾  
如雪碎剪冰綃欲化雲憺對儘堪消綺思白描難  
得寫幽芬春風不解相思結繡被何勞憶鄂君

野寺

池水無情碧苔痕着意青寺門無剝啄墻角語風  
鈴

滿耳松濤響時聞野鳥啼老僧歸渡水獨棹夕陽  
西

爲鄭棧亭題秋柳画册

殘絲無力蘸寒流露浥烟籠盡是愁雲外更添涼

雁影數行零亂不禁秋

咏塵

寶山無處覓靈犀十丈爭他拂面吹舊句漫勞紅  
袖拭新愁應感素衣緇西風昨夜吹方急東海頻  
年變可知自倚匡床看鼠跡貧家長任甑中炊

鵲鵲行

數有不可假物廼知天者去年鵲鵲啼道上水平  
臍今年鵲鵲啼井底無青泥久雨望汝一呼晴蓋  
屋陰愁雲生久旱望汝一呼雨炎精燦燦流焦  
土嗟歲爾陰晴任爾呼曷不逐婦歌來蘇分明天意

固如此區、假物鳴焉尔相逢汲水經山阿鵝鵝  
鵝鵝奈尔何

望雨

泗上本津國湖村錯溝畝頻歲苦波目為魚幾不  
免今春無雨澤湖流漸清淺乍喜洲渚獻旋憂中  
谷膜入夏嗟蘊隆地圻如巨窾池中泣枯魚村外  
走狂犬不聞逐婦啼但見老牛喘天高聽自卑陰  
陽何其沴

施生本一德人民育五穀種豆、離、蕝禾、穢  
穢旱魃尔何物千里成焦燬造物詎不仁毋廼人

不福二月雷無聲三月雨無霖四月溪水乾涓滴  
勝珠玉五月旱既甚蟲、逼三伏炎精暴高穹火  
雲炙茅屋祝融肆其虐趙盾助之酷司空焚壇  
泥龍訝封瀆誰為素林禱誰為僖公祝已空野人  
箱盡滅官家粟枯草偃溝涂更聽漢家哭已矣無  
遺種水虫三百六

五月泛舟

午熏披拂動簾鉤蒲醑盈尊勸未休  
上過一帆如在鏡中遊飄、水帶風亭柳爛、霞  
烘露井榴

黃孝存詩風亭燕引五却憶江鄉烟水  
六子露井榴開三四花

七  
卷  
八  
窟玉簫檀板木蘭舟

夏日雜詩

陶、朱夏時陽精麗圓穹郊原鏤金石蘊隆蔚林  
叢遙看雲岫吐層、列憲中端居爰長日披襟當  
北風高歌咏榮木推遷感深衷

蟲、氣方熾新綠環叢柯亭午覆深蔭微風吹纖  
羅征途多暘夫柳下時停車仰睹片雲黑雨中舞  
衙、豈惟行李潤清涼沾萬家

曉起汲斐屨殘月留虛堂中庭一庭佇乘茲夜氣  
涼微步出荆落覓逕臨方塘輕颺動萍末冷露滋

蓮房不惜衣袂濕有時聞妙香少焉戔輪轉煌煌  
昇東壻

煩衿不可滌感此宵漏稀竹榻展涼簟仰看珠斗  
移蝨股競繁響螢光搖夕輝逼人苦白鳥腕脫揮  
蒲葵安得紫龍髯對月長自携

懷抱若不舒命侶遵河曲匪以尋林亭聊用避炎  
燄遠渚疊清蒲小園秀翠竹水面涼風來翼觀聚  
芳馥恨無十日醉坐被人事束誰家泛銀塘碧筒  
飲醺醖

午睡

新州笛材八尺強中含風漪夢簣簣有時攤飯橫  
一榻棚、推枕遊清涼起來林影方卓午新蟬一  
聲落高樹眼前不少義與皇北牖之下誰是主

彭城咏古

懷古無因問大彭興亡百代感何窮地連西楚風  
猶悍天瀉黃河勢最雄城上荒涼殘照紫雲邊合  
沓亂山紅秦皇枉斷金陵脉王氣還留芒碭中  
屋上龍交事可嗟平生語大信非誇五年竟逐秦  
人鹿三尺先除白帝蛇市上屠沽皆將種山東子  
弟盡侯家當年酒負虧隣媪湯沐恩先戚里加



獨攜拄杖立荒臺如此還鄉亦壯哉大澤已無天  
子氣悲風猶起故鄉哀祇今魂魄依原廟終古河  
山想霸才二十四陵俱泯滅一坏猶傍古城隈  
白旄黃屋不言尊苦憶枌榆舊里民父老競來攀  
御座帝王難得是詩人椎牛晏罷謚猶昔擊筑歌  
闌泪滿巾妙選兒童一百二醉遊十日尚逡巡  
戲馬雄姿自有真從來成敗不堪論耽、危郭雲  
如蓋葉、荒臺草似茵七十戰成談咲裡八千兵  
散亂江濱美人伏劍名雖逝一咲頭顱贈故人  
穀城山下莽荒邱帷幄當年費運籌滅項終能安

漢祚夷秦只為報韓仇白駒有託完高尚黃石無  
踪感舊遊廟像至今如好女松衫蕭瑟冷清秋  
擣藥兒童野哭囂寄奴王者美金鑱床移御座威  
方熾酒勸長星運已銷投袂居然光舊物築臺終  
使換前朝還思東府呼盧日一擲金甌竟得臬  
諸劉家世本鳴珂文藻山川兩不磨簪紱累朝承  
帝胄雕華羣李檀英多風流一代推西第遺憾千  
秋感曲阿七十人中誰第一六詩三筆妙懸河  
金虎挺災國已墟礪山狂寇犯宮車當時作惡橫  
鄉土何事衝鋒陷里閭汨落宮門悲凍雀尸橫白

馬塋河魚生兒那得如豚犬頸血終教濺玉除  
鉅鹿渾波萬里流澶淵遺事感千秋狂瀾不遣孤  
墉漏先事方知擘畫周古木浮槎歸版築羽衣吹  
笛傲滄洲太虛一賦傳勞績吟罷濤聲撼郡樓

晚過僧寺

大暑日遙頭閉門絕迎迓傍晚踏涼屐信步入精  
舍老僧靜者流危坐神何暇相對長明燈偶作無  
生話簷鈴定不語庭花自低亞月影隨經函光射  
林陰罅簾際度輕颺清涼忘九夏

湖上

田田蓮葉抱湖亭散髮人來倚曲櫺被徑不鋤秋  
草綠壓城長對遠峯青花前雨過香堪拾水面風  
來酒易醒那得豪情似河朔客懷空自渺滄溟

沛城晚眺

孤雲不動雁聲哀莽、平沙落照回水國魚龍翻  
巨壑山城烟火雜昏埃土花淡淡秦皇井秋草離  
離漢帝臺獨立晚風悲往事霸國帝業總飛灰

城北古寺

野徑濕微雨層嵐壓遠山偶然携拄杖暫得叩禪  
關流水去何疾白雲相對閒小叅聞梵唄坐久不

知還

寄同硯諸知己

西風高館惜離羣  
索處頻傷過未聞  
四國交遊分作客  
十年風雨憶論文  
劇憐聚散如秋蒂  
別有心情感暮雲  
一卷新詩渾漫與  
掃除煩惱待諸君

答友人

方書肇炎農未嘗道  
剗股錯見魏唐編  
儒者每不取吾嘗  
溯厥初茲事蓋已  
古不聞介山中龍  
蛇怨淒苦世哀真  
愛薄奇節出閨戶  
愚婦誠何知至性  
鬱肺腑剔肌奉天  
載籍曠未睹人生  
重一毛肝

入金鑑  
胆越與楚皎日堅誓盟久、棄如土炭、昌黎論  
胡為慎所許為呼小宋公重訂鄆人語

得紫坪手書

聞說錢塘八月秋遠心一夜遠汀洲十年舊約西  
冷夢輸尔真為汗漫遊

題陸丈竹民對鏡詩後

霜華點、照分明已信無情勝有情我亦春秋同  
騎省病餘深感二毛生

浚閘

河流動寒色一曲斗門開水勢奔強弩灘聲殷怒

雷漫言飛挽易曾告陸沉災東望長淮口雲颿片  
片來

燕子樓

繁華消盡感颿塵月冷霜清十載身黃土豈無埋  
玉地平生心薄墜樓人

郭外泛舟

湖上涼初度輕颿帶雨過危橋斷虹影殘柳蘸秋  
波烟重藏漁艇蘆深起棹歌無心是鷗鳥飛傍画  
船多

秋夜懷荆蔭南

雨過月華明秋雲壓画城懷人停酒琰隱几聽蛩聲舊侶無多在新愁轉欲生爲憐行役苦何日俟

河清

蔭南方監  
築河隄



七錄齋詩鈔卷六

昌黎

山陽阮葵生吾山

秋日禱興用秋懷十首韻

西風禾黍肥溝塍望蒨、疎柳帶高原涼蟬鳴不  
已隔隴刈稻聲風過清人耳老農三五人廣場時  
卧起回憶昨年秋風景殊不似河伯幸安流長堤  
良足恃牛羊散村落洲渚畎塗軌生聚有起色經  
遇吾亦喜

頻年苦河溢守臣日憂悴當其泛濫時波濤起平  
地徐泗千里間茫、任奔恣今年得天時雨暘無

戾異西望荆山河人謀豈不貴

沮洳遺魚苗水涸形孔曼蠕、動腥風不堪佐餐  
飯幾日化為蝗隱傷田父顧童叟競奔踏詎待長  
官勅終苦手足勞勢不敵千萬猶幸秋風早禾黍  
已登畎菽蔴方在田老農尚嗟怨

秋蝗漸孕子草際爭騰凌初出小如蟻倏已大於  
蠅漸至十八日跳躍彌可憎藏身依密葦聚族堆  
高稜有時蔽天去孰施網與罾一紙報飛蝗黠吏  
尔何能

淅、商颺鳴娟、寒露警雲淡月華孤漸覺涼夜

永身世感於孱烈士悲秋猛歲月逝如流清泪墜  
如綆脩名苦未立清時甘幽屏

枯坐讀黃庭內視昧三景癯鬼苦泥人久卧覺寤  
罔終日支藥鏑矧復感漂梗有時下床走扶杖戒  
馳騁簾外好秋光孤負園鳥請

病起手一編小字照窓暗掩卷若無睹平生抱深  
憾束髮事詩書冥冥每偷暇誰將聰明鞭那得嗜  
好淡搥筆學為文迷津苦瀏濫朝華夕已萎詎可  
閱常暫譬彼航海者中流斷鎖纜平生重師友誰  
與嚴點勘世有揚子雲載酒顧盈甌

同學多不賤故人乘華軒或在青雲上簪毫誇記  
言或出興州郡異績空襲前秋江寄退鯉一一云  
加飡感彼故人意太息熬殘編升沉本無定縱眼  
視大千欲報乏瑤玖望遠潛悲酸涼風起天未佳  
時耽醉眠二毛點鬢髻已是駢省年

一月不飲酒輒苦舌本乾秋月指玉衡孤負光蘭

玕網黃庭空庭布爐火綠葉煎龍團佳如噉蔗境

夢不知槐安仰睹星潢移銀漢波漫濶逝者抑何

速走坂如銅丸勞生苦不息吾行驅歸鞍

征雁橫空至雲外聞秋聲呼羣萬餘里素羽瑩霜

明豈不避繒繳隨陽心終誠人生處逆旅競一如  
奉盈結念屬霄漢寧復忤心兵譬彼劍鳴匣亦似  
木向榮九萬不可期雌伏嗟誰令

朝來攬明鏡朱顏豈不好顧無食肉相所嗟華髮  
早鬚眉森似戟猶足傲傭保誰云臺閣豈必山  
林稿人生自有真區、豈足道

鬚生戲成二絕

十年無計種髯奴少許還應勝絕無便拭青銅忙  
布置等閑消却睡工夫

布置見  
語林

幾番顧影認今吾如此差堪表丈夫他日樵髭吟

五字可能人道是樊湏

寄曹慕堂

白露下京國蕭然木葉稀  
仙人照藜火侍女護朝衣  
舊句瑤華贈清言玉屑霏  
故人若相憶秋雁正南飛

自飛雲橋泛舟至歌風臺吟眺竟夕過天  
齊寺而歸水月搖光林木震響客有  
吹笛者聲遏秋雲予曰是不減坡公百步  
洪之遊只少一參寥師耳豈止三百年無  
此樂哉踏月作歌遂用蘇韵

秋星作、風捲波布帆六幅飛如梭水光月色爛  
四照有若奩鏡堂新磨長虹蜿蜒卧橫浦高臺峻  
曄撐層坡蓊蓊瘦影拂殘柳灑、晚香吹敗荷笑  
蹲斷碣踞足醉看微潮潏潏渦客披羽衣吹玉  
笛纖雲不動凝秋河襟懷曠朗發清響肯教噩夢  
縈檀羅霸國猛士盡消歇離、荒草埋銅駝羽聲  
變徵笛入破江湖寂寞驚蛟蛇揮手敬謝人事束  
陋彼小兒巢雞窠古廟陲陟瞿雲卧佞佛久已嗤  
二何勝人持火照題壁金剛努目尔勿呵

戲和盧德裕咏物

縑山消息白雲深獨散幽經對舞禽塵世不於毛  
羽貴高標豈有稻梁心露零宵警松濤急霜冷秋  
棲竹影森他日使君吟蜀道素衣飄拂伴囊琴  
南園草綠故飛、度水穿花事已非莊叟相遽終  
是夢魏郎輕薄不勝衣春酣粉膩迎風舞曉惹花  
香帶露歸為問韓憑今在否青陵臺畔路依稀  
風流誰認舊烏衣幾度飄零白版扉春雨綠楊成  
小住秋山紅葉夢將歸傍誰門戶營巢去獨自池  
塘傾影飛可許一枝栖上苑玉堂珠樹夢依、燕  
秋陽如燥復如焚咽露玄蟬處、聞鎮日苦吟差



似我一生清節最憐君託身本自依高樹息影端  
應恋暮雲慕憶隋隄官柳下征鞍曉月共誰分  
爰、無計脫虞衡空憶寒岡掌樣平珠箔花籠避  
一盼見歐陽公詩瑶宮桂影夢三生搜羅未許遺東  
郭苗裔無辨管城作傳重煩韓吏部中山明德  
舊蜚聲免

不隨彩鳳逐雲徂却愛癭頭狎鴈奴戢羽禪枝應  
怖月寄人籬落不驚葦繫書鄉國凌霄去得食階  
除握粟呼西望花封索遠夢肯啣芳訊到來無鵲

秋日旋里門寄紫坪杭州

三迳歸來碧草鮮一尊獨自醉籬邊  
南舡北馬紛何事孤負黃花又一年

遲紫坪

小酌深杯酒迢一別思牽遙知對床客已放過江  
舡眠食情何限湖山興自偏段家橋畔路吾亦夢  
淪漣

祥素雲入都以詩留別次韵奉贈

彼美抱殊獨論詩窮理趣暇日盛文譙含毫對庭  
樹清逾叔寶姿秀奪惠連句何當賦驪歌旂亭感  
風露新唱鬱離情深心託竹素寒雲天際飛遙睇

燕山路

歲晚喜蔣春農至淮上

冷雨泥危約烟塍飛夕嵐爲訪同門友褰衣叩名  
藍小樓近佛屋華鐘聞暮叅停雲感離索盈歲情  
空含執手語喁于玉屑霏清談我本邱壑士瑟縮  
如眠蚕君乃青雲侶風雪停征驂賞心在霄漢孤  
懷誰與探深情良不數太息臨寒潭

題紫坪聽潮集

津亭卸帆後聯坐話更深倚醉聞吳咏開函動越  
吟江山餘勝蹟唱嘆有遺音十載錢唐夢臨文思

不禁

送五變亭太守觀察河東

漢詔稱共治唯良二千石付託重股肱臨軒親遣  
策銀章銅虎符彤幘熊首軾擢或典樞机賜每榮  
綬烏匪以邀華寵寔膺親民責次公拜潁川關關  
滋封殖懿彼任武威費舍聲修飭讀史懷曩烈遺  
徽耀篇籍所居民樂康所去民思憶堂、長白公  
聲華久赫奕粉署昔翔翔都江咏膏澤休哉歲績  
彰吏治越古昔驄馬泣長淮朱轡荷殊錫維淮故  
澤國沮洳土田瘠魚沫方薦飢鴻哀苦蕩折頻歲

唐抵京比戶因朝夕我公下車初沉憂耿不釋乃  
身切痼癘由已思飢溺飛章達大府溝澍其成畫  
瀦蓄環金隄疎通除地防汚澤無壅沉墳原失龜  
圻期年報政成瘡痍睹起色池濡潤輟鱗樹集飄  
風翼行者歸故廬居者慶安宅烟火晝喧闐雞犬  
夜寧聞鼓舞遍郊墟謳謠達衢陌百度以次修更  
起黉宮後慨茲觀禮地榛蕪歲逾百垣棟脊替傾  
窳衛多墊側我公瞻拜時中懷時惻、開誠諭部  
民設策輸衆力制度詳梓陶辛勤惜甄甌櫛星窺  
辟篠琉璃燦金碧壁沼環雕欄奎宮飾瑛玦芹藻

澄清流松栢蔭嘉植公餘名諸生嚴程勉訓迪和  
氣藹官齋春風被講席屈指二載中經緯著殊蹟  
樂育在膠庠阜安在兆億眾利次第興百弊因時  
革為政識大體六邑資表式治行符漢京盛業光  
史冊 天子褒循良詔書增爵秩作牧表外臺持  
節專方域河東古巖疆上黨天下脊雄鎮肅轅鈴  
邊牆靖霜鏑軍民資撫綏官吏重考覈啣命馳前  
驅春風轉畫鷁僕也本州民惶悌銘胸臆昔迓五  
馬臨今悵設旌隔來暮方有歌去思忽云積餞筆  
抒離情傲詩謳令德

春來屢擬武林之遊輒為事阻二月三日  
偕舍弟紫坪登舟王大笠塘走送河千口  
吟四十字即用其韵賦別並荅同社諸子  
又作叩門別褰衣偕邨君扁舟何處去江上萬重  
雲風笛聲偏急旂亭酒易醺為君遲解纜隄柳帶  
斜暉

與李六滋園夜話

訪友來江上蘭陵一繫舟故人憐舊雨永夕話春  
愁為我藏羅酒累君典敝裘天涯勞悵望遥指百

花洲

令兄敦復  
作宰南昌

西山道士館

支藤過鶴柴石室訪仙都  
苑有賢人酒香燒姹女  
爐孤吟聞木客息影愛山癯  
彷彿登嵩少誰尋九節蒲

靈巖山頂觀霧

一別靈巖山屈指三歲餘  
昔遊際秋晚今方朱夏  
初朝來雨翻盆遙天藏金烏  
松巔瀉飛瀑萬壑紛  
跳珠湏臾雨脚止乘興登藍輿  
高峯逆路絕雲陣  
時與俱烟樹撲濛濛樓閣凌清虛  
峯尖禿不銳那  
復窺浮圖但聞走霹靂嬰兒啼呱呱  
俯瞰兩洞庭



千里白模糊攀枯一不戒何處尋故吾陰陽乍開  
閤神變安可摸豈有蛟蜃幻或者潭龍嘘山僧盡  
詫謬對客頻咨吁自謂四十載此景迺來無久坐  
失昏旦歸路迷僕夫

### 寒山

峻嶒踏山骨曲磴達禪扉雨急溪聲亂嵐深樹影  
微雲中層閣隱竹外一僧歸何處空、谷瑩荒碧  
草肥

趙凡夫隱居處舊有何義  
門先生題額今不復見

### 杭州春望

大觀臺上豁吟眸鳳舞龍飛幾度秋烟月易催詞

客老湖山都藉古人留水連吳苑濤聲壯雲去金陵王氣收雄麗東南誇鼎立居然形勝帝王州誰從欲界識仙都金碧山川似畫圖三月鶯花迷閨苑萬家樓閣敞雲衢一條江劃東西浙十里隄分內外湖滿耳春禽作春弄敲敲喚客勸提壺

寓樓望湖上山色次紫坪韻

小閣枕山椒窓開松嶺右凭欄一以眺四面落靈鷲  
驚峯青遠若浮山綠淨可漱晴嵐冑朝垂春陰涵  
夕岫松篁夢不多苔蘚蝕如繡坐久意彌靜悠然  
息聲臭有時愜微吟拄頰忘清晝

齊息軒宗伯目力最勝夏日居萬松山每  
見雲起必牽一縷如絲繫於山巔踪跡之  
得石數枚有反文印之成書畫久而漸多  
遂作為譜復用東坡石鼓韵題長歌一篇  
劉繩菴杭堇浦兩先生首出和章趙石函  
方立亭程存齋及弟紫坪亦皆繼作今春  
至武林宗伯屬題亦賦一首

三月既望日在丑入山獨訪杜陵叟執經願遂彭  
戴遊登門忽作籍湜走賤子半生俗在骨先生一  
見笑開口相將促膝話從前細數離悰自別後手

出珣玕累有千目睚點畫忘其九或如支離五粒  
松或如臃腫十圍柳宛委或如夏后碑破碎或如  
亞父斗自謂青山雲蓋胸不羨黃金印繫肘扶拾  
如從沙揀金搜剔如妨苗亂莠苔花千載繡山靈  
松嶺三年契石友宗伯詩云譜後乙亥至小枝寧  
丑伯松嶺時伴蒼髯是誇虫蝕書壯夫恥効席初穀幾疑入水呈龍龜不  
須破壁抄蚪蚪天剗斷、屬巨靈怪事吐、驚者  
耆先生生本具慧眼徃、雲砂隨指族每逢出岫  
垂車輪便教蠟屐携尊旨凝眸高瞻向烟霄回睨  
旁觀盡朦朧乍看千葉散芙蓉倏飄一髮懸岫嵒

尋蹤直上峯頂高鑿險終鍊石皮厚金翹破處露  
纍、鴻寶携來讀某、茲事從來想絕無聞言那  
不驚頻有傳觀一似魚得珠狂喜爭同因脫扭世  
上兒曹盡葉龍近今書手同瓦狗真儒居處亦精  
靈天文隱現信非偶新語傳聞十二州好詩哀集  
三千首南宮之袖不勝藏青石之根急須拈會向  
嚴陵去趣書莫教豪客來爭取一譜屬方蘇臺結書  
載未歸又為劉  
繩菴司農撰  
取數十枚才劣誰憐覓句難詩成莫滌多生垢  
摩挲空作三宿憊惆悵難為期月守稽留山閣知  
緣深坐對春風慚學朽何時負笈歸天台日餐雲

母杖靈壽

予繪天台採藥圖先生為題  
與府六解又惠藤杖一枝

吳山懷古

金虎挺突勢獺猖斗牛王氣掃樓槍銅九智破中  
朝寇鉄券書頒異姓王潮落龍腥愁勁弩雲封馬  
鬣仰靈光表忠舊觀崔嵬在忠孝文應萬古藏  
偏安一角類南朝破碎江山泣黍苗鳳嶺灰飛羅  
綺盡龍沙泪落夢魂迷三千毳帳雲連幕十萬貌  
貅海不潮立馬吳峯終有恨詞人一曲怨難銷

南屏訪熒虛上人

獨拄桃枝杖來尋柏子庵隔林聞曉梵覓逕破春

嵐松尾留清話蒲團試小叅此中難着語欲問老

瞿曇

永明于此山著宗鏡錄後人殊有異議

### 恒公方丈食笋

枯竹引山泉宛轉流香厨長鏤刷猫頭晶瑩雪不  
如層、剥香籜存液鏤其膚松枝慎火候盛以青  
玉盃入口絕纖滓清柔經久咀細論色香味此君  
三者俱俗腸頰芳潔舉體凌清虛佐以聲聞酒不  
飽寧非愚彼哉老佛印而乃工燒豬

### 月下步至聖因寺後山

朦朧烟外響蒲牢有客褰裳興獨豪拍手高吟清

似鶴攀蘿直上搜于孫青連佛閣春燈暗紅近宮  
墻夜月高大好亭臺迤一到翠螺隱、憂松濤

雲栖

路出錢江潝五雲列屏幃徑轉入層嶽垠崿青相  
向寺隱綠蘿深身到碧雲上樹色何穠樛泉流自  
潏潏四圍檀栾聲蕭、吹竹浪遠峯雲外綠儼作  
佛髻狀梵唱出林表午叅知未放蓮公好家法峯  
凹弔古壙矯首入山堂肯負青藤杖

登雲栖寺後諸山

雲堂飯初罷振衣興超越取徑入山腹危巖彌帶



嶮高峯歷我顛仰望路疑絕峯迴硤角轉移趾懼  
蹉跌危仄或如墜懸厓或如折蹲如蛟兕異奔如  
狡狴渴曲磴累萬千而無一笏濶有時兩壁峙一  
綫穿其穴霧重午陰寒泉噴石背滑愛藟烟樹中  
林密互輳葛縋幽若井處忽而一旦豁孤亭矗天  
外行人出木末舉頭天門通挾背飛鳥沒胸無芥  
蒂存目似金篦刮佛眉青未了嵐光排寺閭

步行至理安寺經九溪十八澗過滿家衝  
踰嶺登南高峯

背笠陟嶙峋香風吹縹緲言尋紫栢庵數里穿綠

篠拾級空王宮，奇峰四回抱。有如萬芙蓉，青、互  
縈繞。小憇不能留，輕身下雲表。

泉聲送遊客，一路聞琤琮。涓、漱寒玉冷、和礪  
松文鱗，細可數。翠羽時一遶，彎環十餘里處、危  
約通。時有採樵人，濯足坐榛叢。

山行曲復曲，窄徑廻千盤。其上覆峻嶺，其下環清  
湍。經過十八礪，一步一回看。森、筌激、鹿、籟、松、栝、攢  
春密，溪嵐接山翠。侵我膚，髮寒蟻。旋上絕巘峭，立  
青巔。屹。

緩步楊梅嶺行、待我僕從倚藤花陰修枝上檐。

曲微聞焙茶香青烟出板屋東陽有佳人袖籠春  
山麓碧雲日暮凝無言背脩竹武林好春色誰知  
在幽谷

蹣跚復蹣跚直上窺鳥背平生負濟勝而亦作此  
態崔、南高峯衆山如蒂芥夕暉射浮圖影落重  
城外俯視浙東西錢江一線界誰為假羽翼飛升  
吸仙瀝

### 鳳山奇石歌

巉、巖、山之巔蜿蜒、蜒、騰以竄蹙、確、覓  
微逕突、兀、躡我前五丁好奇弄狡獪斧痕千

載缺如齧弩張箭簇怒相向顛而為四矗為凸土  
花繡蝕蝸涎交此石不爛經幾朝射之飲羽鞭出  
血山圍故國空周遭石兮不能言我來感不已六  
陵樹色春蕭條此是南朝舊宮裡美人鐘鼓散如  
烟鳳皇飛去啼杜鵑宮草宮花更何處牧兒石畔  
尋花鈿

### 岳鄂王墓

忠魂爽、儼如臨長拜佳城檜栢森誰遣衣冠埋  
此地直留英爽到於今神人並痛班師詔君相原  
明報國心野草殘碑俱起敬不須奸魄鑄烏金

龍沙萬里泣銅駝誰飲匈奴血似河邊月陣雲空  
有恨卧薪嘗胆竟如何虺蛇自養心中疾羆虎愁  
回塞上戈十九年真堪痛哭南枝千載蝕蒼蘿二  
句用武穆  
詞中話意

### 冷泉亭

琴絃瀉山溜鏡影澄風潭花落石不語此意君須  
參

天風冷、吹悠然欲遺世不飲自忘言何處著一  
字

無心常漱石隨意自縈沙不少清涼境其如熱客

多

韶光庵

曲廊覓行逕出寺即入寺  
枯竹聲冷、緣山高下  
置簣簪千萬个清音落天際  
如聞海潮音又似龍  
鳳吹浪疑風雨聲夜半  
合宿至千尺抽瑤簦十里  
滴寒翠絕頂尋泉源  
跳沫濺袂且住金魚池  
悠然契初地

金魚池

偶為聽經出萍香任衆  
煦一泓豈不廣終是憶江  
湖

同方五立亭弟紫坪登北高峰絕頂

遊山願力真涉險心不悸登頓出松顛攀援入雲  
際天風飄、吹鬚眉撲山翠絕頂立孤圓直上扶  
護背海日與江湖青蒼迷一氣西湖若盃盞吳山  
失埤堦會有雲外笙欲摘月中桂舉手排闥闥直  
欲飛而至二子盍歸去吾留將謁帝雲卧與風食  
久當生肉翅

南宋故宮

春山草綠走麇麇宮樹無人晚噪鴉只有松岡舊  
時月春來猶照內人斜

彩雲吹散委輕塵牧唱樵歌草不春夜半子規啼  
血處泣風泣露有青燐

遊汪氏小有天園

背峰緣壑構幽居曲檻斜廊百疊紆風鼓松濤鳴  
屋角雨飛山翠撲庭隅琴臺石碎南宮字畫幃香  
銷北苑圖珍重奎章龍鳳彩此中應有列仙儒  
西湖竹枝同方立亭徐樂只紫坪酒間作  
今日東風大放顛吹開湖北湖南舡艤傍湖心亭  
子望桃花含雨柳含烟

初暝林外掛銅鉏滿耳幽禽弄曉晴紅杏家一宜



早燕綠楊樹、屬流鶯

鏡面湖光熨貼平  
揚舲擊汰破空明  
游鱗碧草細  
可數倒影青山畫不成

黛色嵐光三面環  
濃青大綠堆烟鬟  
莫將得意誇

洪谷

用趙子固  
遊孤山語

小李將軍着色山

白堤蘇隄駐籃筍  
內湖外湖蕩輕橈  
紅裙族、湖  
山寺換舵重遊第四橋

林樹青紅近百年  
樓臺金碧高千尺  
山川滿目盡  
新裝一箇雷峯足古色

我與山靈曾有約  
每思江上乘吳艤  
今日湖風吹

酒醒十年積念一朝降

繫舫踏歌明月來尊前不醉不教回兩般未識西湖處六月荷花十月梅

懷家兄自堂客遊甬上

君去遊龍洞登臨正暮春我來經鳳嶺迢遞感蕭晨風雨索遙思閨梁怯病身耦耕倘有處未厭道南貧

與方蘇臺立亭恭壽弟紫坪山中夜話次

紫坪韻

兩姓好兄弟山樓數夕晨平生鄙章句偶尔作詩

人謖、松鳴籟青、竹有筠此中饒古意不受九  
衢塵

七錄齋詩鈔卷七

山陽阮葵生吾山

弔于忠肅公墓

甲光鱗、白日慘、土木之變人喪胆、舉朝頭縮、占  
天星力排衆議、公獨敢根本一動、大勢去、言南遷  
者、吾當斬、此是乾坤何等時、安危乃以一身支、威  
行片紙、出軍府千里、萬里風霆馳、摧殘大敵、定社  
稷、金甌無缺、天子歸、天子歸來、羣小慙、亨等意耳  
辨、奚益、不惜身、隨天柱、傾自有奇、勛、買金石、嗚呼  
先帝、知其枉、朕心憐其忠、崇祠業、銘旌功、祇今

窈碑蝕殘龍鳳字猶來披榛剝蘚尋幽宮三台山  
下悲風起翁仲無言石麟峙回首棲鴉一樣冤墓  
湖南湖北風烟昏憲宗祭以公文云當國家之多難  
保社稷以無虞惟公道之獨持  
為權奸所並嫉在先帝已知其枉  
而朕心空憐其忠云云天下傳誦

虎跑寺飲泉

荒碑甲子磷猶認元和字聞有大辨才開山著神  
異靈蹟空千年沙彌說遺事我偶入山來欲識在  
山味一盞趙州茶清風落松吹

山下觀流泉

山上涓涓溜紫沙瀉曲岡從來聲不斷此去意何

忙

龍井道中

画眉啼遍古松岡，猶竹牽蘿便作牆。  
行盡紫雲山下路，晚風吹送焙茶香。

渡錢江之西興

之字江邊縱櫂回，夕陽峰外殷輕雷。  
江豚拜浪風初起，海燕啣泥雨欲來。  
窄徑低枝防著笠，長亭野店貰松醅。  
經過不少勾留處，林際輕黃熟早梅。

蕭山舟中

槽聲出東郭，夾岸綠春蕪。  
樓小垂簾過，帘飄待客

沽湘湖蓴葉滑漁浦浪花麤高士懷王許風流今

已無

唐人過西陵

蕭山詩漁浦浪花入秋窻

### 禹陵

蒼嵐百疊護屏藩蔓壑枝拳手自攀呼吸九霄通  
帝座雲烟千載簇神閔刑塘尚有威靈在寢殿都  
歸想像間見說祇今風雨後猶聞劍佩響空山

### 由鏡湖之快閣用放翁思鏡湖韵

昔歲曾睹鑑湖圖今朝身到方回湖此湖自落放  
翁手迄今猶有詩人廬蘭渚梅市遠映帶魚莊蟬  
舍充官租快閣亭、出修竹挈舟曲、緣菰蒲夏

雨欲來水雲黑秋風初起山楓赤壺觴詩卷載扁  
舟想見翁時來醉出吁嗟千載名不如一杯酒世  
上浮雲任卷舒湖中生計足蓮藕誰贈買山十萬  
錢狂吟鼓腹空便、溪山信美非吾土可惜過眼  
如雲烟

同紫坪遊阮家山村舍作

垂楊夾岸綠陰環繫舫經行路幾彎一曲巧分丁  
字水數峯濃壓米家山金庭石室勞追想漫叟  
公足往還何日蓋頭謀一把道南道北任躋攀  
松棚竹屋護籬笆斜挿青旂酒易賒白木鐮鋤園



上筍青瓷甌。泛雨前茶清。遊畢竟宜吾輩。禮法泛。  
來。恕我家便與村人同。酩酊他時。直作里門誇。

馬公繇祠

東京賢太守。善政每平反。手築長湖堰。躬平怒浪。  
喧千秋。仍廟食。當日痛廷論太息。丁陽九。深沈萬  
古冤。

苧蘿村

溪上苔猶綠。村前水自香。美人何處是。終古怨興。  
亡春夢。悲吳館。輕塵委越航。碧雲凝日暮。怕悵月  
昏黃。

、帶徐文長故宅

曾讀天池詩一卷教人疑病復疑顛忽從江上尋  
遺宅欲向樓頭喚謫仙君是怪魁差不朽我緣癡  
絕轉相憐夕陽門巷迷衰草遮莫吟魂動暝烟

遊蘭亭雜詩

言訪山陰山雨後如新沐青鞋踏巖根路隨山勢  
曲尋邱不覺遙翠靚紛滿目俯拾春山嵐仰飲春  
山綠移境易形容一步一回瞻

納納山下路藹藹山上雲人行空翠中屐齒穿苔  
痕杜鵑紅欲然烟蘿綠可捫微風吹我襟鼻觀聞

芳芬駐足契妙香懷抱清煩喧

曲水瀉雙澗一彎環庭階石子壘齒齒琤琮鳴蒼  
崖風篁修於杖露草小於軟臨流聲一竿俯仰心  
悠哉古迹不可求好事皆後來

廉利水中石參差立沙際涓涓泉溜鳴瑩瑩石紋  
細翠色浸蘊<sup>活</sup>蔎遠香送蘭蕙溪草清以幽青青襲  
衣袂

過江富清言名士偶修禊少長列次坐聊為洛濱  
戲一咏復一觴風日自和惠竹樹資吟謠雲山藉  
點綴當時四十賢懷抱千秋寄光景良不殊風流

若爲繼

路出龍鶯館樹石含清華沙泉九曲響粉籜千竿  
斜中有洗研池沉溪園籬笆紅鶯拍拍戲將子浮  
清涯

馳暉不可迴夕陽下平野歸途復微雨春衫足飄  
洒步屨之寶林右暉處避小憩坐山房對景不能賦  
留待後來者

遊天章寺

髻綠眉青簇簇排水皮石骨繡蒼苔一枝竹杖一  
雙屐踏遍通崇山峻嶺來

韓紋波動漾清漪綠滿春塍覓逕微萋秀瓜生好  
天氣水田十里學僧衣  
風簟霧簟影珊珊一架藤花聚曉烟小院綠陰吹  
不散果然佳處合參禪

卧龍山望海亭

依山開州宅仙吏住蓬瀛橡栗垂簷重松篁拂檻  
清行來當日夕立處與雲平亭子凌空濶三山指  
玉京

挽施上白

燕市一爲別浮雲各自憐知君吟古調十載坐寒

魂淚落蕉隍夢魂悽絮雨天熱風遲五兩遺恨香

重泉

上白工樂府五言詩先  
月卒於會稽學署

山陰道上口吟絕句

鴨頭淥水春初足驢背青山畫不如忙殺遊人難  
應接溪嵐松翠滿衣裾

滿山松竹畫眉啼一路泉聲漱玉隄他日買山何  
處好鏡湖南北剡東西

別余明經崇先

吾弟言君久相逢快決旬名區頻戲集學海得經  
神風雨能留客湖山苦泥人五雲門即雷外路欲

別更逡巡

崇先還經

萬松岡獨步

披衣岡上行烟外日沉閣獨立不逢人微聞松子落

贈方五

身長九尺瘦如鶴健筆一枝鼎可扛今日風塵雙劍合十年豪氣爲君降

松岡留別方蘇臺立亭恭壽金懷玉徐樂只查茂蔭諸子

餘航三月住衿袖縈春嵐坐眠山中閣魂夢餘清

酣此邦盛文彥講肆初盍簪亭亭諸君子麗藻雄  
東南明湖泛烏舫玉屑聆清譚桃源難久駐蕪境  
餘回甘江風催解纜欲別情空含雲木秀還巖烟  
水懷澄潭何當蠟屐拄策重幽探

石門道中

小艇衝魚蕩江城入望低水邊橫斷約桑外立斜  
梯酒幔飄飄引春禽故故啼桔槔聲特苦悵望夕  
陽西

駕湖晚眺

吳蓮片片貼波斜少伯湖邊問酒家夕日欲沉霞



散綺晚風初起浪噴花綠楊陰外漁收網紅藕香  
中女浣紗那得落帆三過此一樓烟雨夜煎茶

採桑曲

左提青絲籠右把桂枝鉤誰家女兒好身手採桑  
獨向南陌頭今年桑葉青且柔天公似憐女兒愁  
願天不風亦不雨提筐出門良不苦願天不暖亦  
不寒三眠已過蠶上山上山鵲鵲浴盤盂閉門軋  
軋響縲車賣絲完官租賣繭償私逋但得官租私  
逋兩無負那惜亂頭粗服園中走

平望

驚胆湖邊夕照昏  
殘簑破網曝蓬門  
經過易識吳江路  
十里柔桑水抱村

歸舟至吳江夜泊

江城漏初下  
夾岸起吳謳  
燈影明蠶屋  
鐘聲出梵樓  
去來同社燕  
出處笑蝸牛  
誰與題三過  
還應咏四愁

與曹近薇夜話

紅鐙背遙夜  
無寐擁青衾  
不覺清談久  
都忘夕漏深  
塵埃憐短髻  
爾我惜知音  
遊跡同漂梗  
春來各滯淫

吳門雜咏

春老江南客未歸殘衫又逐晚風吹江城盡閣重  
來路細雨輕寒獨醉時昔夢已迷青雀舫遠心長  
綰綠楊絲無情便遣東皇去惱亂才人絕妙詞張  
南吳企晉趙昇之邀吳下詩人在鮑菴彭訪漁亦于  
為送春之會前六十年已卯尤悔菴彭訪漁亦于  
此地集同社  
作送春詩

石丈高齋住決旬清遊幾度泛金尊何人更識吳  
門卒此日難尋角里村只合買山尋竺塢底湏快  
目挂東門春來虛作漁洋夢玉柱銀房望眼昏三曹  
近藏約為洞庭之遊人為事阻昔新城尚書愛洞  
庭山色自號漁洋山人賢未至其地也竟寄先生

嘯以詩云

曾見漁洋樹色無

十載經過髻欲星

五予甲戌後

春山不改舊時青寺

空虎蹟無雲氣潮落魚腸有血腥香市幾人歌宛

轉廨廊終古惜娉婷玉蘭房畔開高會墨溜淋漓

蘸素屏

虎邱後山玉蘭宋代花石網中物也今年

南厓太史家叔父菴村先生西山僧某識賞竟日歸名賦長歌一篇

吳中風雅寄情深家寓春山和苦吟高士風懷甘

鹿柴詩人名姓重雞林座中客盡談新語弦外誰

能寄賞音甫里祠邊好山色清歌一曲和幽禽中

王存素直接石谷董東山少宰以千金邀之不赴又外洋舟至携其國人與歸愚先生論詩書萬

餘字皆吳  
中語也

渡江

天風吹浪折沙洲望裡金焦左右浮  
萬里乾坤雙短髻百年身世一扁舟  
天邊雲路鵑鵬運檻外江聲日夜流  
欲振羽翰凌絕頂蒼波渺渺隔丹邱

南莊雜咏

浪聲淘盡大河東十畝之間一逕通  
絕少人來深巷外經時門掩落花中  
閒抄畫簃防黻雨高啟雕窗待景風  
欲賦小園無綺思頭銜只合署愚公  
葯圃飛香透綺䟽小闌干外繞清渠  
護花每逐君

臣蟻落網頻收婢妾魚紅苻波中時引棹翠微亭  
畔自攤書蘧廬也作吾廬愛竊得深山木石居  
長日低頭等寄簪昆刀久已失芒鉅十年咕嚕凋  
青髻萬事膏騰付黑甜面目自慚平叔粉文章誰  
許曲江繾綣破除結習原難盡獨戀床頭甲乙籤  
海山縹緲隔蒼烟豈有詩人兜率天獨抱朱弦彈  
絕調誰將錦瑟怨華年任教靈運先成佛不羨王  
孫早得仙合眼華胥尋我法南窓打睡北窓眠  
破紙堆邊自苦吟冥心久已忘飛沉功名豈少逢  
年穀世路原多乞巧鍼不必撐腸窺二酉也應捫

腹辨三壬莫誇柳苑嫌樽散齊物蒙莊義最深  
皂囊拋去罷窺園身外茫茫任糾紛此日難吟無  
鬼論平生耻作送窮文狂哦句每嘲辛叟憶遠詩  
惟寄外君記得吳山最高頂一時才氣擅風雲  
太始元音足唱酬漢謠魏什盡雕搜即看風雅千  
秋事誰並江河萬古流謾詡陵苔巢翡翠誰將瓦  
筆掃驕驕茫茫涇渭勞疏鑿滄海迴瀾障十州  
山園岑寂掩荆籬光景流連十二時流水有情終  
到海殘花無力竟辭枝看人啼笑終何益與我周  
旋更不疑獨向南村容賃廬此中難與素心期

金曉堂檢討寓中哭張雪田夫子

縞綦偶爾聚吟壇  
話到師門欲廢餐  
塵海十年魂夢隔  
荒江一哭夜燈殘  
酒難裁痛先成醉  
曲為知音欲罷彈  
回首漢江雲渺渺  
臨觴莫怪淚沈瀾

南莊  
遍紫坪來歸

目斷西陵積霭邊  
遊裝九月尚留連  
真成湖上烟波客  
苦戀江南橘柚天  
別園經時無客到  
小樓遲爾對床眠  
清霜一度寒初劇  
未省秋衣疊楚綿

袁寶林自江上寓書來賦長歌寄予與紫坪山夫南生追叙昔年兩家兄弟秋帆倡



和之事感賦二首即以代書

木葉頻教憶遠程  
素心空對暮雲停  
關河瀕洞愁如海  
身世蹉跎髻欲星  
千里感君同骨肉  
十年怪我尚飄零  
此情欲寄琴臺月  
目斷千峰鳥外青

清歌一曲豁吟眸  
累幅纏綿話舊遊  
季子一家如

拔宅

山夫之官鳳陽南生客遊浙東

惠連頻歲賦登樓

紫坪連年客杭州

當時作達人爭笑  
今日緘詩我欲愁  
江北江南蘭芷暮  
騷人哀怨正悲秋

晚秋村外即事

風捲長空葉葉雲  
聲飄板隔村聞  
牛眠處處秋

膝熟虎落家家夕  
照膳醉傍黃花陶靖節吟成紅  
樹杜司勳平生苦愛田家咏二頃終須學耦耜

樓居

滿耳刁騷愴客情  
藥爐禪榻靖心兵  
樓憑木末窻偏固  
客到秋深夢亦清  
殘葉紛翻辭樹落  
飛鴻嘹唳曳風鳴  
多愁誰識廬陵老  
不賦秋光只賦聲

別楊子

皎皎雲間鵲翩翩海上鴻  
所思各有向所向良不同  
江南避矰繳垂翅忽相逢  
相逢復相憐和鳴何唯唯  
唯唯日月既以易飲啄時相從  
此無稍梁志彼有

雲水踪振翮。亂浮雲接翼。凌天風。此意兩無數。此  
遇信天工。寒飈膠巨壑。朔雪零千峯。鴻兮意方北。  
鶴迹亦欲東。江南不久留。欲去心忡忡。奮飛苦不  
能。息羽精誠通。兩心矢不移。寥寥六合中。

和周石帆先生春咏二首

芳景迢迢染燒痕。一年一度送柴門。青連舊逕風  
初暖。綠到文窓日正暄。有伴出郊迷小隊。誰家藉  
地倒芳樽。更憐一道裙腰暗。香草離愁未敢言。草  
幽谷風和暖乍生。春鶯幾度弄春晴。輕梢瞥見花  
間影。圓轉時聞柳外聲。翠羽自尋芳逕掠金衣低

拂畫樓輕嬌啼莫向豪家去曉日紅窗夢易驚

題顧息存先生四箴冊子

顧公學道人渾然抱元氣夙欽孔孟言頗負經世志廿載立朝常言論仰風誼一編手示余卓爾見真諦會心揭四箴娓娓達精義功密語則深理足詞不費積久得貫通宅心愈醇粹良足尋顏樂便欲參孔思憶昔童丱時讀書貪強記載繹元公訓凜凜恐失墜汲古愧修綆廓清艱武事學海嘆迷津爲山未一簣把卷徒悲傷歲月浮雲逝從公問夷途俾我益神智請書一本副留向座右寘

題劉六松秋溪待艇圖

野塘瀟瀟西風寒秋水始波微瀾荻花葦葉致  
蕭颯丹楓烏桕相新鮮中有高人著行脚茜衫棕  
帽飄如仙舉頭意已向天外此情一往非人間欲  
渡不渡且趺坐片帆隱隱搖蒲灣臨流賦詩發高  
唱行到水窮心自閑便思從君刺舸去茫茫烟水  
迷歸路

寄成總戎山居

辛夷花發春風香中有玉山之草堂輞水淪連足  
瀟灑南垞北垞容相佯千載裴王有遺躅此地從

來堪卜筮話到仙源夢欲飛底向軟紅揮雙足